

Autoridade Bancária e de Pagamentos de Timor-Leste

Banking and Payments Authority of Timor-Leste

Avª Bispo Medeiros, PO Box 59, Dili, Timor-Leste
Tel. Nº (670) 3 313 718, Fax. Nº (670) 3 313 716

Relatório Trimestral Fundus Petróleo nian

Trimestre ne'ebe hotu iha 31 Marsu 2007

KOMUNIKADU IMPRENSA

Autoridade Bankária & Pagamentu (ABP) ohin lansa Relatório Trimestral dahituk kona-ba Fundus Petróleo Timor-Leste nian ne'ebé hatudu katak Kapitál fundus nian iha 31 Marsu 2007 hamutuk millaun \$1, 217. 98 kompara ho millaun \$1, 011.76 iha fin Dezenbru 2006.

Relatório ne'e hatudu katak osan-kontadu ne'ebé mak tama durante trimestre ne'e hamutuk millaun US\$310.14 ne'ebé kompostu husi kontribuisaun kontribuente sira ba Fundus ne'e hamutuk millaun US\$126.40 no kontribuisaun realeza (*royalty*) sira husi ADTT (Autoridade Designada Tasi Timor)/TSDA hamutuk millaun US\$183.74.

Jurus fundus ne'ebé hetan hamutuk millaun \$10.47, enkuantu mudansa iha valór merkadu nian hamutuk millaun \$5.96.

Rendimentu absolutu kona-ba Fundus ne'e durante trimestre ne'e pozitivu 1.42%, ekivalente ho rendimentu tinak (anuál) husi 5.82%. Rendimentu portefoliu durante trimestre ne'e mak pontu baze 1 ki'ik liu duké rendimentu pontu referénsia ne'ebé mak iha mandatu nia laran.

Durante trimestre ne'e, osan hamutuk millaun US\$120 transfere ona ba Orsamentu Jerál Estadu nian iha 21 Marsu 2007 tuir Ministériu Planeamentu no Finansas nia requizitu. Osan taxa jestaun nian hamutuk rihun US\$367.80 hasai ona husi fundus durante trimestre ne'e.

Lei Fundus petróleo nian espesifika katak ABP nu'udar Banku Sentral Timor-Leste iha futuro, mak nu'udar ajente ne'ebé responsavel ba jestaun operasionál fundus nian. Ministériu Planeamentu no Finansas responsavel ba establesimentu estratéjia investimentu tomak ba Fundus. Mandatu ne'ebé mak fornese ba ABP mak atu maneja fundus besik ho Indisé Títulus Merrill Lynch tinan 0-5 Governu Estados Unidos nian. ABP maneja ona portefoliu besik liu ho pontu referénsia trimestre dahituk dahuluk. Diferensa troka entre portefoliu no pontu referénsia hahú husi inísiu fundus nian mak pontu baze 0 (zero).

Pontu importante husi Relatório Trimestre, ne'ebé kobre período 1 Janeiro 2007, inklui:

- Saldo loken (loke/inísiu) hamutuk millaun \$1,011.76.
- Reseita bruto durante trimestre ne'e hamutuk millaun \$310.14 ne'ebé kompostu husi reseita kontribuente sira hamutuk millaun \$126.40 no reseita ADTT (*TSDA*) nian

hamutuk millaun \$183.74 husi ne'ebé osan-kontadu ne'ebé mak sai hamutuk millaun 120.37 USD ne'ebé kompostu husi transfere ba Orsamentu Jerál Estadu nian hamutuk millaun US\$ 120 no Taxa Jestaun nian hamutuk rihun US\$367. Osan-kontadu líkidu ne'ebé tama hamutuk millaun US\$ 189.77.

- Númeru rendimentu absolutu mak 1.42% durante trimestre ne'e, ka millaun \$16.44.
- Saldo takan (taka) nian hamutuk millaun \$ 1,217.98.

Relatóriu trimestráil ne'e, nu'udar mós lei Fundus Petróleu nian no Akordu Jestaun, disponivel husi sítiu Autoridade Bankária & Pagamentu www.bancocentral.tl.

Ba informasaun adisionál bele hetan husi:

Venancio Alves Maria
Diretór Ezekutivu Fundus Petróleu nian,
Autoridade Bankária & Pagamentu Timor-Leste nian
Korreiu-Eletróniku: venancio.maria@bancocentral.tl
Telefone: +(670) 3313718

Dili, 8 Maiu 2007